



鬼道決

49
1108
1



1108

校註錢氏小兒直訣序

古諺有云寧醫十婦人莫醫一
 婦人寧醫十婦人莫醫一
 小兒
 幼科之難昔有自矣小兒六歲
 已下經所不載以乳下嬰兒有
 病難治者皆為無所承據也中
 古始有巫方氏作顛顛經以占
 夭壽判疾病死生而小兒方行

西華書局

91-1936

焉遠於晉宋江左蘇氏齊之徐
王僉能相傳有驗而後踵武厥
科者則不止於一家矣至宋神
宗時有大醫丞錢仲陽氏貫陰
陽於一理合色脉於萬全偉論
雄才迥邁前列可謂傑起而振
出者也門人閻孝忠記其曲要
緝成直訣若干卷而幼穉之色

脉症治無遺漏矣先君嘗語余
曰幼幼之藥宜善調之古謂小
兒為芽兒如草之萌如水之漚
故其命方曰保嬰曰全幼者蓋
不欲以峻攻耳錢氏之瀟可以
日用錢氏之方可以時省也愚
服膺先人之言僅有年矣遇施
之治有一得驗者輒自識之用

補註於錢文之下同幼其幼不
敢以紫亂朱以薰並蘭也非特
以錢氏峻攻為不可用也視古
既遠元氣亦殊不欲直施之於
今耳敬以一二得之愚附續貂尾
更觀明哲者正諸時

錢氏小兒直訣目錄

卷一

診察脉色

脉法

目内症

五臟虛實寒熱

心臓症

脾臓症

腎臓症

變蒸

五臟相勝

面部症

肝臓症

肺臓症

卷一

小兒直訣

目錄

肝病秋見

心病冬見

肺病春見

腎病夏見

脾病見四季

驚風

急驚風症

慢驚風症

胎驚風症

發搐

早晨搐

日午搐

夜間搐

傷風搐

傷食搐

百日内搐

癩癩症

心癩

肝癩

脾癩

肺癩

腎癩

諸瘡

痘疹

丹瘤

傷風兼變症

貪睡

手足冷

自利

腹脹

吐瀉身溫涼熱

熱渴

諸經發熱

潮熱

壯熱

風熱

溢壯

卷二

吐瀉症

夏秋月吐瀉

傷冷吐瀉

傷熱吐瀉

初生吐瀉

咳嗽症

八九月間嗽

五七月間嗽

十一十二月嗽

卷三

諸疳症

肝疳

心疳

脾疳

肺疳

腎疳

無華疳附

腹痛腫脹諸症

積痛

蟲痛

脹喘

腸中有癖

五臟雜症

喜汗

盜汗

胃怯汗

六陽虛汗

夜啼

驚啼

撮口

弄舌

解顛

胎肥

胎熱

急乳不下

腎怯失音

黃疸

行遲齒遲髮遲

胎怯

龜背龜背

黃病

胎疽

目錄畢

卷四方論



錢中少兒直訣卷一

脈法

脈弦急

氣不和

脈沈緩

傷食

脈促結

虛驚

脈浮

為風

脈

沈細

為寒

脈亂

不治

門人閣孝忠集
後學薛鏜校註

卷一

脈法

薛按脈者人身之造化病機之先見用藥之準繩不可不先明諸心者也全幼心鑑云小兒一歲以前看虎口食指寅卯辰三關以驗其病脈紋從寅關起不至卯關者易治若連卯關者難治若寅侵卯卯侵過辰者十不救一其脈紋見有五色如因驚必青渴痢

小兒直訣

色紫當以類而推之。一歲後則可用一指轉側辨其三部脈弦急浮沈四五歲後脈七八至而細數者為平九至者傷十至者困六至五至者為虛為寒弦緊者為風癩弦急為客忤其變蒸者脈必散亂骨間有熱脈則沈數若浮而不調為思祟浮大而數為風熱伏結為物聚微細為疳積為腹痛浮而洪為有蟲浮而遲為胃寒此論脈之大要耳然小兒血氣未實驚則氣散氣散則脈亂矣又當參以三部五脈三部者乃看面上氣色虎口脈紋寸口一指脈五脈者上按額前下診太衝并前三部謂之五脈也治法雖分虛實外實者病氣實而形氣虛也虛者形氣病氣俱虛

也經云真氣奪則虛邪氣勝則實又云虛則補其母實則瀉其子東垣先生云形病俱實當瀉之形病俱虛當補之詳見後圖下

面部症

左腮為肝右腮為肺額上為心鼻為脾頰為腎若色赤者熱也宜隨症治之

薛按左腮屬肝其色青者為順白者為逆若色赤主肝經風熱發熱拘急青黑主驚風腹痛淡赤主潮熱痰嗽右腮屬肺其色白者為順赤者為逆若赤色甚者主咳嗽喘急悶亂飲水傳於腎則小便赤瀦或淋閉不通額上屬心其色赤者為順黑者為逆若青黑

面部症

目部症

主驚風腹痛癩癧疔瘡微黃主盜汗頭髮乾燥驚悸
骨熱鼻屬脾其色黃者為順青者為逆若色赤主脾
經虛熱飲食少思深黃主小便秘而鼻燥衄血頰屬
腎其色黑者為順黃者為逆若色赤主腎與膀胱有
熱而小便不通

目部症

目內色赤者心實熱導赤散淡紅者心虛熱生犀散青
者肝實熱瀉青丸淡青者肝虛熱地黃丸黃者脾實熱
瀉黃散微黃者脾虛熱益黃散白而混者肺實熱瀉白
散目無睛光者腎虛也地黃丸主之

按目者五臟之精華各有所主白睛屬肺黑睛屬

肝上下眼胞屬脾紅脈屬心瞳人屬腎此五臟之正
色也然白睛本屬肺而見紅色此心剋肺之微邪也
見青色此肝乘侮之微邪也見黑色此腎乘肺之實
邪也見黃色此脾乘肺之虛邪也餘倣此

五臟虛實寒熱

心主驚實則叫哭發熱飲水而搖虛則困卧而悸○心
熱則合面睡或上竅咬牙者導赤散主之○心氣實而
喜仰卧者瀉心湯主之

薛按前症若心小腸實熱宜治以前藥若心脾血虛
用五味異功散加當歸若因心血不足用秘旨安神
丸若肝心血燥用紫胡施子散若因肝心血虛用赤

五臟虛實
寒熱

味地黄丸若因脾虛食鬱生痰而驚悸不安者宜用
四君子以健脾胃神麴麥芽以消導山桅柴胡以清熱
如用前方病氣雖去前症仍作急調補元氣或反甚
急溫補元氣凡此多因妊娠厚味亡情或小兒乳哺
失宜或乳母飲食鬱怒所致病氣既見形氣已虛必
當推其所以因而以助胃壯氣為主佐以治病之劑為
善餘做此

肝主風實則面青目直叫哭壯熱項急頓悶盛則咬牙
呵欠○肝熱則手尋衣領及亂捻物瀉青丸主之壯熱
飲水喘悶瀉白散主之

薛按前症若肝木實熱生風而自病肺金實熱而自病

水者宜用前一藥以瀉其邪氣之實若肝經風熱而
目直等症者用柴胡梔子散以清肝火加味四物湯
以養肝血若腎虛而咬牙諸症者用六君子湯以健
脾土六味地黄丸以滋腎水苟不審其症之虛實而
妄用前藥則虛虛之禍不能免矣

肝有風則目連割得心熱則發搐或筋脈牽繫而直視
用瀉青丸以治肝導赤散以清心○肝熱則目赤或兼
青發搐者亦用前一藥風甚則身反張強直用地黃丸
以補腎瀉青丸以治肝

薛按前症若肝經實熱而自病宜用瀉青丸若肝經
血燥而自病用抑肝散腎水虛不能生肝者宜用地

黃丸若脾土虛不能培木者宜用六君子湯凡肝經
既病風火相搏則肝臟虧損若不固根本必變他症
百出也

脾主困實則身熱引飲用瀉黃散虛則吐瀉生風用異
功散○面白腹痛口中氣冷不思飲食或吐清水以益
黃散溫補脾虛下利用調中丸○呵欠多睡者脾氣虛
而欲發驚也

薛按前症若發熱作渴喜冷飲食或泄瀉色黃睡不
露睛屬形病俱實宜用瀉黃散疎導之若發熱口乾
惡冷飲食或泄瀉色白睡而露睛屬形病俱虛宜用
異功散調補之若脾氣下陷者補中益氣湯亦可用

其侮土者益黃散溫補之用木尅土者六君子湯而
平補之若目睛微動潮熱抽搐吐瀉不食宜用
保脾湯凡小兒諸病先當調補脾胃使根本堅固則
諸病自退

愚治沈氏子吐瀉腹痛手足並冷余謂此脾土虛弱
寒水所侮先用益黃散一劑諸症頓愈手足稍冷此
寒水退而脾土虛弱也用異功散少加木香一劑却
去木香再劑而痊

一小兒傷食發熱吐瀉腹痛欲服益黃散余曰內有
丁香良薑非其所宜前症乃脾胃受傷而無寒症不
信仍服前藥其痛益甚二便不通口舌糜爛而發

肺主喘實則悶亂氣急喘促飲水虛則哽氣出氣○肺熱則手搯眉自鼻面用甘桔湯主之○肺盛復感風寒則胃滿氣急喘嗽上氣先用瀉白散以清肺氣後用大青膏以散風寒○肺臟怯則唇白用阿膠散補之悶亂氣粗喘促哽氣者難治肺虛甚也
薛按前症若膝理不密外邪所感而肺病者用清肺丸若脾胃氣虛不能相生而肺病者用六君子湯若脾胃氣實大腸不利而肺病者用瀉黃散若心火炎燥肺金而肺病者用地黃丸
腎主虛若胎稟虛怯神氣不足目無睛光面白鬚髮皆難育雖育不壽或更加色慾變症百出愈難救濟或

用畏明下窺者蓋骨重而身縮也咬牙者腎水虛而不能制心火也皆用地黃丸

薛按潔古先生云下窺者腎氣不足兩足發熱故不喜衣覆也蓋臍以下皆腎之所主緣心氣下行於腎部也所以宜用地黃丸壯水制火而補腎故凡此必待精血完固而後嫁娶庶可以免前患精血篇云男子精未滿而御女以通其精則五體有不滿之虞異日有難狀之疾今小兒稟賦不足豈有不本於此哉
詳見血篇

變蒸

小兒在母腹中乃生骨氣五臟六腑成而未全自生

變蒸

後卽長骨脉五臟六腑之神智也變者易也自內而長
自下而上又身熱故以生之日後三十二日一變蒸卽
智意有異於前何也長生臟腑智意故也何謂三十二
日長骨添精神人有三百六十五骨除手足中四十五
碎骨外有三百二十數自生下骨下日十段而上之十
日百段而三十二日計三百二十段爲一遍亦曰一蒸
骨之餘氣一自腦分入鬚中作三十二齒而齒牙不及
三十二數者由變不足其常也或二十八日卽長二十
八齒已下做此但不過三十二之數也凡一周遍乃生
虛熱諸病如是十周則小蒸畢也計三百二十齒生骨
氣乃全而未壯也故初三十二日一變生腎生志六十

四日再變生膀胱其發耳與飢冷腎與膀胱俱主於水
水數一故先變生之九十六日三變生心喜一百二十
八日四變生小腸其發汗出而微驚心爲火火數二一
百六十日五變生肝哭一百九十二日六變生膽其發
目閉而赤肝主木木數三二百二十四日七變生肺聲
二百五十六日八變生大腸其發膚熱而汗或不汗肺
者金金數四二百八十八日九變生脾智三百二十日
十變生胃其發不食腹痛而吐乳此後乃齒生能言知
喜怒故髮始全也太倉云氣入四肢長碎骨於十變後
六十四日長其經脉手受血故能持物足受血故能行
立也經云變且蒸謂蒸畢而足一歲之日也師曰不汗

而熱者發其汗大吐者微止不可餘治是以小兒須變
蒸乳齒者如花之易苗所謂不及三十二齒者由變之
不及齒當與變日相合也年壯而視齒方明

薛按小兒變者變其情態蒸者蒸其血脉故三十二
日一變每變畢則情態異常全嬰方論云變蒸者以
長氣血也變者上氣蒸者發熱也輕則體熱虛驚耳
冷微汗唇生白泡三日可愈重者寒熱脈亂腹疼啼
叫不能乳食食即吐哕五日方愈古方以黑散子紫
丸子主之竊謂此症小兒所不免者雖勿藥可也况
前藥乃屬峻厲非准臟腑不能勝抑且反傷氣血真
之慎之全真見一小兒至三變發熱有痰投以

丸一粒率至不救觀此可驗矣若不熱不驚略無症
候而暗變者蓋受胎氣壯實故也

五臟相勝症治

肝臟病秋見肝強勝肺而肺怯也宜阿膠散以補肺益
黃散以補脾瀉青丸以治肝

薛按索古張先生云肝勝肺則身熱發搐喘促氣短
病見於申酉戌時此受所制而不能勝謂之真強若
心乘肝為實邪壯熱而搐有力利驚涼驚一丸主之
肺乘肝為賊邪呵欠而搐無力以地黃丸補肝以瀉
白散治肺肝乘脾為賊邪多睡體重發搐瀉青丸主
之腎乘肝為虛邪憎寒呵欠而搐羌活膏主之太虎

五臟相勝

症治

肝之得病必先察其肺腎然腎者肝之母金者木之賊非腎水不能相生必肺金鬼邪來尅故其源在肺先治其肺攻其鬼也其源在腎先補其腎滋其本也然後察其本臟之虛實而寒溫之徐用誠滑伯仁先生亦云然

心臟病冬見心強勝腎其則下竄不語當以地黃丸補腎以導赤散治心

薛按潔古云若喘而壯熱此肺乘心也為微邪用瀉白散若風熱相搏此肝乘心也為虛邪用大羌活湯下大青丸吐瀉身熱此脾乘心也為實邪用瀉黃散若恐怖畏寒腎乘心也為賊邪用安神丸大凡心臟

得病必先調其肝腎腎為心之鬼也肝氣通則心氣和肝氣衰則心氣乏此心病先求其肝清其源也五臟既病必傳其所勝則腎之受邪必傳於心故先治其腎逐其邪也若肝腎平和而心自病然後察其虛實而治之

肺病春見肺勝肝也以瀉白散治肺若目淡青或目赤者當發搐為肝怯也以地黃丸補肝

薛按潔古云肺病喘嗽氣盛見於寅卯辰時當補肝瀉肺若肺病久嗽宜補脾清心若心乘肺為賊邪熱而喘嗽用地黃丸導赤散阿膠散若肝乘肺為微邪惡風眩冒昏憤用羌活散若腎乘肺為實邪憎寒發

嗽清利用百部丸若脾乘肺為虛邪體重吐痰泄瀉
咳嗽用人參白朮散大凡肺之得病必先察心脾二
臟治之若心火亢盛上炎燥肺而肺為病宜先抑心
氣若肺氣不足腠理不密風邪所感宜先補脾氣若
中焦痞實大腸壅滯熱氣上蒸宜先理脾氣若心脾
平和則治其本經

腎病夏見水勝火腎乘心也甚則悸動發搐宜風散主
之
薛按潔古云心乘腎者為微邪發熱不惡風寒用桂
枝丸肺乘腎者為虛邪喘嗽皮膚寒澁用百部丸肝
乘腎者為實邪拘急發搐身寒用理中丸脾乘腎者

為賊邪體重泄瀉惡寒用理中丸大抵五行之間惟
腎一臟母盛而子反受邪然物之性有不可以一槩
論者肺腎是也何則肺主氣肺有熱則熱得氣而上
蒸不能下生於腎而腎受邪矣此腎之病源於肺也
又有脾經之濕相刑於腎者法當解肺熱去脾濕若
本經自病者宜滋補之

脾病見四傍皆倣此治之順者易治逆者難治脾怯當
面日黃五臟相乘隨症治之
薛按潔古云凡脾之得疾必先察其肝心二臟之虛
實而治之蓋肝者脾之賊心者脾之母也肝氣盛則
賊邪勝心氣虧則脾氣虛故肝乘脾則風瀉而嘔痰

苓半夏湯主之。若心氣實而壯熱體重，泄瀉荒活黃芩蒼朮甘草湯主之。若肺乘脾而咳嗽便秘，飲食如常者，煎檳榔大黃湯下。葶藶丸若腎乘脾而惡寒泄瀉，理中丸之類主之。竊謂五臟之症相乘，伏匿隱顯莫測，然病機不離五行生剋制化之理。况小兒未有七情多，因形體怯弱，血氣未全，故有五臟勝乘之病，更當調治，其母若專治其子，多致誤矣。

急驚風症治

小兒急驚，因聞大聲或驚而發，搐搦止如故，此熱生於心，身熱面赤，引飲口中，氣熱二便黃赤甚，則發搐蓋熱盛生風，陽盛而陰虛也。宜以利驚丸除其痰熱，不可用

巴豆之藥

薛按秘藏保嬰集云：急驚之候，牙關緊急，壯熱涎湧，窺視反張，搐搦顛動，口中氣熱，頰赤唇紅，脈浮洪數者，此肝經血虛火動生風。蓋風生則陰血愈散，陰火愈熾，火動則肺金愈虧，肝木愈盛，宜滋肝血，養脾氣。若屢服祛風化痰瀉火辛散之劑，便宜認作脾虛血損，急補脾土。若風火相搏發熱，抽搐目矇筋攣痰盛者，用四物鈞藤鈎以生肝血，清肝火，用四君子加當歸以補脾土，生肺金。若肝經血燥發熱驚搐，目矇筋攣痰盛者，用六味丸以滋腎水，四君子以補脾土。若肺金剋肝木，用六君子湯以實脾土，加芍藥木香以

急驚風
症治

平肺金若屢服驚藥而脾胃虛寒者須用六君子湯以補脾胃丁香木香以培陽氣否則必變慢驚愚治一小兒因驚發熱抽搐頓悶咬牙作渴飲冷大便秘結面色青赤然印堂左顯赤甚此心肝二經風熱相搏乃形病俱實之症先用瀉青丸料加炒黃連煎服一劑大便隨利熱搐頓減用抑青丸一服諸症悉退但面色痿黃形氣倦怠飲食少思此病氣去而形氣虛也用補中益氣湯及地黃丸而安

一小兒發熱抽搐口噤痰湧此急驚風也先用瀉青丸一服六味丸二服諸症頓退又用小柴胡湯加芎歸山梔釣藤鈎而安繼以補中益氣湯而愈

一小兒六歲忽然發搐目動咬牙或睡中驚搐痰涎湧盛或用化痰祛風面色青黃此肝木剋制脾土不能攝涎而上湧也當滋腎水生肝血則風自息而痰自消用六味丸而愈

一女子十二歲善怒睡中驚搐遍身作痒飲食少思此肝火風熱脾土受侮用參朮柴苓湯以清肝火涼肝血健脾胃而愈

一小兒三歲患急驚面赤發熱作渴飲冷先君已用瀉青丸一服勢去大半翌早又自用前丸一服即吐瀉發搐面色青白手足指冷余以為脾胃受傷用六君子湯加薑桂升麻柴胡一劑頓安前哲謂小兒易

為虛實攻伐之藥中病即止不可過劑我先君蓋守此法

一小兒三歲因驚抽搐發熱痰盛久用抱龍丸等藥面色或赤或青此肝心二經血虛風熱用六味丸滋養肝腎佐以六君加柴胡升麻調補脾胃而愈
嘉興王舉人女七歲因跌傷腿膝兩廉腫潰左顙色青左關脉無余意驚則氣散而風熱鬱滯先用四君子加升麻柴胡釣藤鈞一劑其脉即至更用四物加柴胡防風釣藤生血補肝而愈

慢驚風症治

小兒慢驚因病後或吐瀉或藥餌傷損脾胃而肢體逆

冷口鼻氣微手足瘳瘳昏睡露睛此脾虛生風無陽之症也温白丸主之

薛按保嬰集云急驚屢發屢用直瀉則脾損陰消而變為慢驚者當補脾養血佐以安心清肺制木之藥最為切當竊謂前症多因脾胃虧損肝木所勝但用五味異功散加當歸佐以釣藤飲子以補脾土平肝木亦多得效如不應六君加炮薑木香温補脾土更不應急加附子以回陽若用逐風驅痰之藥反促其危也每見小兒脾胃弱者一病即成慢驚不可泥為久病誤藥而後成也內經云為慢脾風言脾虛受病也其意可見矣

慢驚風症治

王氏子患吐瀉或用藥下之睡而露睛瘦瘠身冷此慢驚也即用括蕞湯治之而日開身溫但二便不利或用八正散身復冷不食即用益黃散史君子九溫補脾胃諸症悉愈後又不語用地黃丸以補腎半月而愈愚治一小兒停食吐瀉先用尅滯之劑更加咬牙發搐面色青白手足指冷眉唇抽動余以爲脾胃虛弱因藥復傷肝木所乘而成慢驚矣遂用六君子加木香柴胡升麻二劑頓安大凡傷食停滯雖見發搐等症且勿用藥待宿食化盡胃氣漸健而自愈設若強與飲食或誤用藥餌不惟甚其所有而且生其所無矣

舉人余時正子傷食發丹服發表之劑手足抽搐服抱龍丸目瞶痰盛余謂脾胃虧損而變慢驚矣用六君子加附子一劑而安再劑而愈

一小兒患抽搐痰涎自流或用驚風之藥益甚視其面色黃白余用六君子補中益氣二湯而愈

小兒初生壯熱吐哕身體強直手足抽掣目反直視是胎驚風症也

薛按前症多因娠婦忿怒驚恐調攝乖常或挾外邪內傷於胎蓋母有所觸胎必感之當用猪乳膏拭兒口中或用惺惺散加漏蘆令母煎服使藥通乳中兒病自愈矣

發搐症治

驚癇發搐男則目左視無聲右視有聲女則右視無聲左視有聲相勝故也故有發時之症

薛按前症多因胎中受患或乳母鬱怒傳兒或小兒乳傷自病其症吐乳面青若痰實壅積則壯熱面紅當兼調治其母切不可損其元氣若欲驗逆順男則握拳拇指又入食指中為順於外為逆女則又入食指為逆於外為順仍參吮乳不能類以治其母後做此

王駙馬子五歲目直視而不欲食或以為鬼祟用符水噴之反加發搐此肝經實火之症也用瀉青丸而愈

愚治少叅王陽湖孫跌傷股骨正體科接之余視其面青而兼黃口角微掣動此肝木侮脾症也且氣血筋骨皆資脾土而生但壯脾氣則所傷自愈遂用六君子加釣藤鈎當歸三十餘劑諸症悉愈

李孝丞子三歲病搐發而目右視大叫哭師曰逆也凡男目右視有聲金木相戰故也當瀉其強而補其弱遂用瀉肺湯肺病退又用地黃丸補腎用涼驚丸瀉青丸瀉心肝而愈此症男反女故男易治於女也假令女發搐目左視肺之勝肝又病在秋即肺旺肝不能任故哭叫當大瀉其肺然後治心續肝所以言男目右視者木反侮金肝旺勝肺當瀉其肝若更病在春夏金氣極盛

發搐

症治

又當補其肺慎勿瀉也

愚治一小兒兩自連劄手足發搐頻服天麻防風丸之類益甚得飲食則稍愈視其鼻准及左頰色青黃此肝木制脾土用六君子加升麻柴胡鈞藤鈞二劑而愈又用補中益氣湯而安

若寅卯辰時身體壯熱目上視手足動挫口出熱涎頭項勁強此肝旺也當補腎治肝用地黃丸瀉青丸主之薛按前症若煩熱作渴飲冷便結者宜用瀉青丸若發熱飲溫大便不結者宜用柴芍參苓散若自汗盜汗腎虛液不歸源也用地黃丸若服峻劑或久病流涎脾虛涎不歸源也用六君子湯所云肝旺者乃肝虛而邪

氣旺也故先補其母後瀉其子

一小兒寅卯時發熱或兼搐有痰服抱龍瀉青二丸而愈後復患仍用前藥以致咳嗽氣喘不時發搐面兼赤色或青黃或浮腫或流涎余謂咳嗽氣喘脾肺氣虛也不時發搐木乘土也面青赤黃肝入心脾也浮腫流涎脾氣虛也用益智丸以補心氣補中益氣湯以養脾肺而愈

若巳午未時發搐心神驚悸竄視睛赤牙關緊急口中流涎手足動挫此心旺也以地黃丸補肝導赤散涼驚丸治心

薛按前症屬邪氣實而真氣虛故用地黃丸其流涎



不止為心火虛而脾土弱也佐以六君子湯
廣親七太尉病潮熱師曰七使將安八使預防明午驚
搐既而果然遂用藥瀉心肝補腎水而愈蓋見其坐石
杌目直視而腮赤乃心肝俱熱午時者心肝用事也
愚治一小兒巳午時發熱驚悸等症發時形氣倦怠
面黃懶食流涎飲湯余以為心氣不足所致不信
服涼心藥更加吐瀉睡而露睛幾至慢脾風先用六
君子加薑桂佐以地黃丸而愈
一小兒七歲因驚久患搐熱後巳午未時益甚形氣
倦怠熱定飲湯余謂心脾氣虛朝用補中益氣湯加
益智仁夕用六君子加當歸鈞藤鈞而尋愈後因飲

食過多吐瀉或甲保和丸治之加寒熱發搐此脾土
復傷而肝木所侮余用六君子柴胡治之寒熱止而
飲食進但巳午未時去後用補中益氣湯加茯苓半
夏鈞藤鈞而愈
若申酉戌時微搐而喘目微斜身似熱睡而露睛手足
逆冷大便淡黃肺旺也當用益黃散以補脾導赤散以
治心瀉青丸以治肝
薛按前症屬脾土真寒不能生肺氣而假熱故宜益
黃散以補肺金之母如用六君炮薑尤效若手足不
冷屬虛弱用五味異功散木香其導赤散瀉青丸初
病元氣未虛者酌量用之若久病元氣已虛者必用

六君子湯秘旨安神六味地黃二丸主之
徐氏子三歲日晡發搐身微熱目微斜露睛作喘四肢
逆冷大便微黃師曰此肝實發搐也晡熱肺用事也身
溫肺虛也目斜露睛肝肺相勝也四肢逆冷脾氣虛寒
也若脾肺虛而木乘土之症當先用益黃散阿膠散以
補脾肺後用瀉毒丸導赤散涼驚丸以治心肝如法而
愈

一小兒潮熱自申酉時熱至子丑時方止遍身似疥
大便秘結小便赤澀熱渴飲冷此脾胃實熱而傳肺
大腸也先用清涼飲四劑結熱始退又用四物加柴
胡黃連數劑其瘡漸愈彼欲速効另用槐角丸之類

諸症益甚遂請施院長治之亦同余藥惟加桃仁赤
芍二味至百劑乃愈

一小兒先停滯飲食服剋伐之藥致面色痿黃體倦
少食申酉時潮熱余欲用調補之藥不信更用清熱
消導益加泄瀉余用六君子數劑又用補中益氣湯
而愈

一小兒酉戌時熱面赤腹中作痛按之益甚服峻厲
之劑下五七次發搐吐痰作渴腹痛按之却不痛此
脾胃復傷而變症也用七味白朮散補中益氣湯頓
安

一小兒飲食停滯服消導之藥余曰此因脾胃虛而

食停滯也當調補為善已而申酉戌時潮熱食少作
渴大便不實用四君子湯而飲食進又用補中益氣
湯而諸症愈

若亥子丑時微搖身體發熱目睛緊斜喉中有痰大便
白色多睡不省當用益黃散以補脾導赤散涼驚丸以

治心

薛按前症屬形病虛寒宜用六君子加炮薑溫補脾
土用清心安神丸六味丸調補心血索古張先生云
此症皆因大病後脾胃虧損所致其旨明矣若非六
君子湯以固本必變慢脾風也

朱監簿子五歲夜半發熱曉則好故用涼藥解之反多

涎喜睡大便青白作渴引飲師曰此當健脾胃則諸症
退遂用白朮散一兩水煎恣飲二劑稍愈三劑渴止涎
消又投阿膠散二服而安

愚治一小兒亥子丑時發熱泄瀉用益黃散而愈後
復發服前藥嗜卧露睛作渴少食大便頻黃余謂肝
勝脾虛元氣下陷用補中益氣湯佐以地黃丸而尋
愈

若傷風發搐口中氣熱呵欠頓悶手足動搖當以大青
膏發散之

薛按索古先生云傷風發搐當辨有汗無汗用大青
膏小續命湯竊謂前症若口中氣熱搐而有力屬形

病俱實宜用大青膏以散風邪若口氣不熱搐而無力屬形病俱虛宜用異功散以補脾土六味丸以滋肝木釣藤飲以清肝火若因風邪鬱熱而變見諸症當理肺經清風邪若外邪既解而諸症不愈當實脾去補肺金若徑治其肺恐脾氣復傷諸症蜂起矣
一小兒傷風鼻塞流涕服藥過重發搐呵欠頓悶汗出氣喘久不愈其母因勞役發熱余用補中益氣湯時以五七滴與兒飲之母子並愈

一小兒傷風發搐痰盛喘急余謂此脾肺氣虛膝理不密而外邪所乘用六君加柴胡升麻桑皮杏仁一劑痰喘悉退又一劑去桑杏加釣藤鈎而安乃用異

功散數劑後不復發此症若不補脾胃實膝理專治痰邪鮮有不誤

若傷食後發搐身溫多睡或吐不思食者宜先定搐搐止用白餅子下之後用安神丸主之

薛按前症若飲食停滯嘔吐不食腹脹便秘者屬實熱宜用白餅子下之若下後搐熱益甚嘔吐不食者屬虛熱用異功散補之若脾胃既傷肝木所勝用六君加釣藤鈎以健脾氣平肝木大凡飲食既滿而不愈者但調補脾胃則諸邪自退矣

一小兒七歲發熱驚悸服祛風化痰藥更惡寒吐痰喘嗽腹痛少食又服抱龍丸大便似痢寒熱往來殊

類風症先兄以為脾氣本傷藥復損之諸經無所資
養而然也用四君子湯少用升麻柴胡以升補陽氣
而愈

一小兒傷食發熱抽搐嘔吐氣喘痰嗽屬脾肺氣虛
以六君子加炒黑黃連山梔各二分一劑而頓安
一小兒三歲停食吐瀉或用起滯之劑更咬牙發搐
面色青白鼻準青而兼黑手足指冷眉唇抽動此脾
胃虛弱而肝木乘之用六君子加木香柴胡升麻二
劑頓安

百日內發搐真者不過兩三次必死假者頻發不死真
者內生驚癇假者外傷風冷血氣未實不能勝任故發

搐口中氣熱用大青膏塗顛浴體二法

薛按前症多因胎中受患或乳母鬱怒傳兒或兒脾
傷自病當固元氣為主而兼調治其母仍參吮乳不
能類治之後做此

李司戶孫百日發搐日三五次或作胎驚治之不應即
用大青膏豆許并塗顛浴體二法三日而愈蓋嬰兒血
氣未實不能勝外邪而發搐故用浴體法凡搐類者風
在表易治宜發散搐稀者風在臟難治宜補脾

愚治一小兒百日內患抽搐痰涎自流用驚風藥益
甚視其面色黃白仍用六君子補中益氣二湯而愈
一小兒面青黑或痿黃審其母素有鬱怒所致用加

味道遙散加味歸脾湯治其母其子亦愈
一小兒月內發搐鼻塞余以為風邪所傷以六君子
加桔梗細辛子母俱服更以葱頭七莖生薑一片細
搗攤帛上兩掌護溫貼于額間半胸鼻利搐止
一小兒未兩月發搐嘔乳腹膨作瀉余以為乳多傷
脾胃用五味異功散加漏蘆母服之子服數滴而尋
愈

癩癩症治

凡治五癩皆隨臟治之每臟各有一獸之形並用五色
丸治小病也發而重者死病甚者亦死若反折上竅其
聲如犬症屬肝也若目瞪吐舌其聲如羊症屬心也若

目直腹痛其聲如牛症屬脾也若驚跳反折手縱其聲
如雞症屬肺也若肢體如尸口吐涎沫其聲如猪症屬
腎也

薛按姓娘若遇驚恐則必內應於胎故一月足厥陰
脈養驚則肝受病二月足少陽脈養驚則膽受病三
月手少陰脈養驚則心受病四月名爲離經五月足
太陰脈養驚則脾受病六月足陽明脈養驚則胃受
病七月手太陰脈養驚則肺受病八月手陽明脈養
驚則大腸受病九月足少陰脈養驚則腎受病是臟
腑納氣於丹由自肝至腎十經滋養而生此則胎中
所致也若既生之後或驚怪所觸或乳哺失節或乳

癩癩症治

母飲食起居六淫七情臟氣不平亦致是症須察見
症屬於何經更別陰陽虛實以調補脾胃為主否則
不時舉發甚至不救

愚治一老生子周歲秋初暴冷忽發搐似癩搐過則
氣息淹淹此元氣虛弱所致用補中益氣湯而安

一小兒十歲一小兒七歲各有癩症歲發二次後因
出痘及飲食停滯舉發頻數並用六君子補中益氣
二湯填安

一小兒六歲忽然發癩尸動咬牙或睡中驚搐口流
痰沫服化痰祛風之藥益甚而面色兼青乃屬肝水
剋制脾土而不能攝涎故上湧也當滋腎水生肝血


則風自息痰自消矣用六味丸而愈

一小兒十三歲因驚患癩服硃砂丸之類而愈後每
發徹服前丸不應或謂風涎內積服藥下之發作日
頻恪服鎮驚等劑益甚余以為心脾二經氣血虧損
而痰涎留滯朝用補中益氣湯夕用斷癩丹漸愈出
痘瘡後其癩復作仍用補中益氣湯為主佐以八珍
湯及蟬蛻釣藤飲而愈

小兒平氣之劑

面部
三指診

附面部三指診候圖



小兒半歲之間有病以名中食三指曲按額前眉上髮際之下若三指具熱感受風邪鼻塞氣粗三指俱冷感受風寒臟冷吐瀉若食中二指熱上熱下冷名中二指熱夾驚之候食指熱胃膈氣滿乳食不消

附虎口三關脈症圖



水鏡訣云陰陽運合男女成形已分九竅四臟乃生五臟六腑部位各分逆順難明若憑寸口之浮沉必及橫亡於孩子須明虎口辨別三關消詳用藥必無差誤未至三歲看虎口三關若脈見風關尚易治交氣關則難治交命關為死症又當辨其色如獸驚三關必青水驚三關必赤人驚三關必黑若紫色主瀉痢黃色是雷驚

虎口三關

三關脈通度乃極驚之症必死有紋或青或紅如線者
者是母食傷脾左右一樣者是驚積齊發故有三條或
肺傷風痰或驚胎聲青主傷寒及嗽紅主泄瀉有黑相
兼主下痢紅多白痢黑多赤痢有紫相兼虎口脈亂乃
氣不和也蓋脈紋見有五色由其病甚色能如變至於
純黑者不可得而治矣

五臟瘡疹證治

小兒在胎食五臟血穢伏於命門若遇天行時熱或乳
食所傷或驚恐所觸則其毒當出初起之候面燥腮赤
目胞亦赤呵欠頻閉乍涼乍熱咳嗽噴噴手足稍冷驚
悸多睡宜究其何臟所發察其何因所起令乳母亦須

五臟瘡疹證治

節飲食慎風寒○五臟各有二症肝臟水疱色青而小
肺臟膿疱色白而大心臟斑色赤而小脾臟疹小次
故色赤黃淺也先發膿疱後發疹子者順先疹子後斑
子者順反此為逆惟腎無候但見熱冷耳冷是也若寒
水來侮故黑陷而耳熱反熱為逆也急用百祥九牛李
膏各三服不愈者死○如發潮熱三日以上出不甚多
而熱不止者未盡也潮熱隨出如早食潮熱不已為未
瘡之類也一發便出盡者重瘡夾疹者半輕半重也出
稀者輕裏外微紅者輕外黑裏赤者微重外白裏黑者
大重也瘡端裏黑點如針孔者勢最劇也青乾紫陷
睡汗出煩躁熱渴腹脹喘喘二便不通者困也

利小便解熱毒若紫黑乾陷或寒戰咬牙或身黃腫者急以百祥丸下之復惡寒不已身冷出汗耳聾反熱者死症也此腎氣大旺脾虛不能制故耳下後身熱氣溫飲水者可治以脾土勝腎寒去而溫熱也不黑者不可下下則內虛歸腎大抵瘡疹屬陽在春夏為順秋冬為逆冬月腎旺盛寒病多歸腎變黑又當辨春腫疱夏黑陷秋癩子冬疹子者十活四五黑者十難救一○身熱煩渴腹滿而喘便澀面赤悶亂大吐此當利小便亦宜風散下之若能食而痲頭焦起或未焦而喘實亦可下之若五七日痲不焦是內熱也宜風散導之在犀汗解之○癩疹作播為脾虛而肝所乘心火妄動風

熱相搏也當用指薑湯瀉心肝補脾土○瘡黑而忽便膿血并痲皮者乃脾氣實腎邪退而病安也及瀉而食不化者脾虛不能制腎故難治

薛按痘疹大要與癰疽治法無異宜辨表裏虛實熱蓋表虛而用發表之劑輕則斑爛重則不能起發而死裏實而用托裏之劑輕則患痘毒重則喘急腹脹而死裏虛而用疎導之劑輕則難以貫膿結痲重則不能結腐落腐而死治者可不慎哉若譽赤發熱疼痛伏渴飲冷便秘此形氣病氣俱實也雖在嚴寒必用四順清涼飲以救其陰若黑陷不食嘔吐世為寒戰咬牙手足逆冷此脾土虛敗寒水所侮也雖在

盛暑必用六君薑附或十二味異功散以回其陽
內經捨時從症之法也若起發遲不紅活不作膿
結痂或發熱作渴飲食少思此脾胃虛弱也用參苓
四聖散以補之若雖起而色白雖貫膿而不滿結
痂而不落或痒塌作渴飲湯腹痛不食嘔吐泄瀉此
脾胃虛寒也用十一味木香散以溫之其在四五日
之間死者毒氣盛真氣虛而不能起發也六七日之
間死者元氣虛而不能貫膿也旬日之外死者邪氣
去脾胃敗而元氣內脫也治者但能決其死而不知
其死必本於血氣虧損苟能逆推其因而豫為調劑
豈斷無生理哉蓋起發貫膿結痂三者皆由脾胃榮

養不可妄投越伐之劑以致其夭枉也至於大人患
此治法迥異昔丹溪嘗治一老人初患痘昏憤不
亟用大補四十餘劑遂出痘而愈觀此可見

陸親一大王病瘡疹先用抱龍丸解之彼另用藥下
其疹稠密余曰瘡疹始出未有他症但用平和之藥解
之如三日不出或出而不快宜微發之更不出當再發
之出而不多脈平和無他症者瘡本稀少不可更發若
瘡起發能食者大黃丸下二行若初起就用下劑
裏虛瘡不能盡出而稠密難治至三日其瘡黑陷
寒戰遂用百祥丸牛李膏各一服瘡復紅活而愈
者歸腎也腎旺勝脾故脾虛寒戰則難治所用百祥

濕勝則之邪自不盛也
五太尉因墜鞦韆患急驚發搐或用表散之藥不愈
急驚當先退其熱以大黃九玉露散惺惺丸加牛黃
麝解之至三日肌膚尚熱余曰再二日不愈必發搐
已而果然用必勝散七日而愈此乃初因誤散其表
熱不止而疹自生也

十太尉瘡疹未出呵欠頓悶驚悸乍涼乍熱手足冷面
顯赤咳嗽時嚏此五臟症具也以其別無他候故未
出若已出則歸一臟也用抱龍丸數服瘡疹出而諸症

愈治見救甚
痘疹方

丹癩

丹癩之症因熱毒客於腠理搏於氣血發於皮膚當以
白玉散塗之

薛按前症或命門所稟或風熱相搏或頻浴熱湯或
頻着烘衣或傷食發熱或乳母膏粱厚味七情鬱火
皆能致者其赤暈遊走者乃血隨風熱也若稟胎毒
用化毒丹風熱者敗毒散頻浴烘衣者四物連翹湯
施飲食發熱者四君柴胡神麴母食厚味者加味清
胃散母有鬱火者加味逍遙散俱加漏蘆母子俱服
白玉散其性大寒能解熱毒若毒發於四肢而輕淺
者宜用若延及胃背胸腹者為重須用活命飲
用功於各患處遍吮毒

丹癩

小兒痘疹

疾腹膨脹二便不通毒入內也用大連翹飲亦

者
愚治史少參孫丙申正月陰囊赤腫余作胎毒治
而產後患發熱痰熱等症診其母有鬱火血熱房
鬱涼血之藥子母俱服而愈至六月初患吐瀉水便
赤澁兩眼瞶動投參朮之類不應或以為慢驚余視
其寅卯關脉赤此屬風熱用柴胡清肝散加釣藤鈎
木賊草一劑即愈至丁酉正月頸患熱毒潰而膿出
感風發熱翌日頭面黯腫如斗急砭出黑血一二盞許
隨用清熱化毒湯腫退七八翌日又砭各處血不
黑仍用前藥去牛蒡子加熟地黃而愈此症若砭緩

則血凝滯或為破傷風而死

一小兒患之外勢雖輕內苦便閉此患在臟也服
連翹飲數神功散而瘥

一小兒繫患之赤暈走胤令人頻吮使其毒各聚
處乃砭出黑血塗以加味神功散時以金銀花甘草

節為末入乳汁調服而愈月餘後兩足赤腫仍治以
前法而痊數日後兩足復赤或用犀角解毒之類乳

食不進肚腹膨脹此復傷脾胃也仍敷前藥服補中
益氣湯加茯苓而瘥

一小兒腿患之神思如故乳食如常此毒發於肌
余謂宜砭泄其毒不必服藥不信外敷寒涼內服

傷致腹膨脹乳食不進而歿夫寒涼外傷脾氣滯
內傷生氣不死何俟

一 小兒兩足常患腫以丹毒而不嬰發飲水痰喘兩

頰赤色先兄以為真腎經虛火用地黃丸料冷母乳

俱服而愈○一 小兒兩足生瘡疥赤暈如丹久而不

愈亦用地黃丸而痊

一 小兒腿如霞遊走不定先以蒜油塗患處破出惡

血其毒即散更用九味解毒飲一劑而安

一 小兒困母酒後飲其乳因睡不醒遍身如丹瘤狀

余以為酒毒傳兒為患令母子俱服葛根解醒湯而

愈

一 女子赤暈如霞作痒發熱此肝經血熱用小柴胡

加生地連翹丹皮而愈凡女子天癸將至婦人月經

不調被驚者惱多有此症亦治以前藥

傷風兼變症治二

傷風貪睡口中氣熱呵欠頓悶用大青膏發散之若飲

冷不止而善食者用大黃丸微下之餘不可下也○傷

風手足冷者脾臟快也當以益黃散溫脾胃以大青膏

散風邪○傷風自利脾臟虛快也亦用益黃散大青膏

未瘥用調中丸有下症用大黃丸後服溫驚丸○傷風

腹脹或作喘脾臟虛也當先發散仍補脾○傷風兼肝

則發搐頓悶兼心則驚不安兼肺則喘嗽哽氣兼脾則

傷風兼

症治

因睡寐腎則目畏明各隨補其母○傷風多睡能食引
飲吐瀉大便色黃此胃虛熱也當先用白朮散以生津
後用大青膏以發散○傷風吐沫瀉色青白悶亂不渴
噁氣出氣睡而露睛先用益黃散後用大青膏○傷風
或涼或熱多睡氣粗大便黃白嘔乳不消不時咳嗽先
用大青膏後服益黃散慎不可下○傷風誤用下藥而
作渴飲水者此胃土津液而虛熱也多用水散熱湯
自止

薛按大青膏乃表散之劑必外邪蘊結於肺而肺氣
未變損者方可用之大黃丸乃疎利之劑其食痰積
滯於胃而胃氣尚充實者乃可施之凡前症屬脾肺

氣虛腠理不密外邪所乘又當臨症制宜必以固脾
胃為主若兼肢冷自利腹脹喘嗽者脾肺虛寒也六
君子加木香升麻桔梗若兼驚悸痰甚飲食少思屬
心脾臟虛也四君加芎歸酸棗仁若兼肢體倦怠喘
嗽噁氣脾肺氣虛也六君當歸桔梗若兼目畏明白
睛多腎氣虛也六味丸加五味鹿茸如未應更用補
中益氣湯加五味子乾山藥以補腎母若多睡結乳
飲水吐瀉大便色黃脾氣虛而下陷也補中益氣湯
升補元氣若吐沫瀉青腫而露睛脾虛木所乘也六
君子加升麻柴胡調補脾氣若乍涼乍熱喘嗽氣粗
大便黃白嘔乳不消脾肺氣虛而有邪也先用惺惺

散後用四君子湯若畏用下藥而作渴者脾胃之氣傷也。用白朮散或六君子補中益氣二湯補之大凡前症若病邪急而元氣無虧者先用原方或用輕清表散之劑若元氣不足者當如前法固其元氣則外邪自退若因病久或因服劫伐之藥而未愈或更化變症者但調補脾胃諸症自愈其小兒傷風發熱鼻塞或痰壅發搐多因乳母鼻吹額門但服惺惺膏或用葱頭三五莖細切搗爛以紙寸餘攤葱在上兩掌合葱待溫貼於額門其邪即解乃去其葱却用綉段寸餘塗以麵糊仍貼額門永無傷風之患

吳江史安卿子傷風用表散化痰之藥反痰盛咳嗽

肚腹膨脹面色晄白此脾肺俱虛用六君子加桔梗一劑頓愈至三日前症又作鼻流清涕此復傷風寒也仍用前藥加桑皮杏仁而愈

史玄年子喘嗽胃腹膨脹泄瀉不食此飲食傷脾土而不能生肺金也用六君子湯一劑諸症頓愈

史孔修子六歲感冒咳嗽發散過度喘促不食痰中血余曰此成肺癰也次日吐痰而兼膿用桔梗湯而愈後元氣未復大便似痢或以為痢用五苓黃連枳實之類痰喘日劇四肢抽搐余曰此脾敗而變慢脾風也果發

諸經發熱症治

諸經發熱症治三

潮熱者時發熱過時即退來日依時而發此欲發驚也○壯熱者常熱不已甚則發驚瀾也○風熱者身熱而口中氣熱乃風邪外感也○溫壯者肢體微熱也○發熱而不欲飲水者胃氣虛熱也用白朮散發熱而飲水作渴喜冷飲食者胃氣實熱也用瀉黃散
薛按秘藏保嬰集云小兒潮熱或壯熱不退多是變蒸及五臟相勝不必用藥又多食積鬱熱由中發外見於肌表只理其中清陽明之熱而表熱自除不可認作外感用小柴胡輕利等藥重傷其內又潮熱不退恐是出痘亦當審察勿便用藥竊謂發熱飲水者熱在內不飲水者熱在外也又當以此辨之其諸熱

症說見各類

朱監簿子五歲忽發熱腮唇色赤煩躁飲熱或用牛黃丸及三物瀉心湯加倦怠不食便利黃沫師謂心經虛熱而誤下之也先用白朮散以生胃中津液後用生犀散以治心經虛熱再與胡黃連丸而愈
鄭人齊姓者子忽臟熱症自用青金膏三服連瀉五行加困睡發驚再服一服又瀉二行益加口乾身熱虛羸
先煎白朮散與時時服之後用香瓜丸而愈
曹宣德子三歲面黃時發寒熱不食飲水或用牛黃麝香二丸不愈用止渴乾葛散反吐師謂食伏於胃脘先以白餅子下之又以消積丸磨之而愈

愚治一小兒先將熱便秘服清涼飲之類愈而復作服地骨皮散而潮熱不已服四物芩連之類不時而熱甚余曰不時而熱或晝見夜伏晝伏夜見是虛火也當滋化源不信仍服寒藥愈甚余又用六味丸加五味子朝用補中益氣加山藥山茱萸而瘥一小兒五歲發熱作渴右頤鼻准微赤或與冷水涼藥即時嘔吐余曰右頤微赤肺經虛熱也鼻准微赤胃經虛熱也此胃虛不能生肺耳先用四君子加升麻三分一劑而不吐又用白朮散二劑而不渴再用四君子四劑而頓安

一小兒發熱作渴用瀉黃散大便重墜口角流涎仍欲瀉火余曰鼻准青白脾虛肝木所侮也口角流涎胃氣不能攝涎也大便重墜脾氣不能升也不信服涼劑果眉唇微動四肢微抽余曰此元氣虛極而變慢脾風也用六君子加炮薑當歸木香釣藤鈎一劑益甚彼欲更劑余曰此藥力不及也設藥不對其症禍在反掌仍以前藥加炮附子一斤服之即安乃去附子又二劑而愈

